

演
山
集

卷一

山

集

七

詳校官庶吉士臣吳烜

侍讀臣孫球覆勘

覆校官中書臣王慶長

校對官主簿臣汪日贊

謄錄監生臣唐作梅

謄錄監生臣張鴻仁

欽定四庫全書

演山集卷九

宋黃裳撰

律詩

次泠風閣之韻

九龍峯下閣橫秋，世上纖塵不可留。
清伴夜蟾留醉客，細吹時雨走歸舟。
天南從此載鵬往，山北與誰乘鶴遊。
山有已，是逍遙何所待，上人高卧見蓬丘。
列子御風而行，猶有所待者也。惟無所待，所以為逍遙遊。

能御冷風入九秋豈愁光景去難留翠搖竹影落猿嶠
清遞笛聲來鷺洲兩腋獨乘盧椀興滿襟誰作楚臺遊
須知大塊生微意豈俟雲邊虎嘯丘

寄題澄虛閣

檻外天都近池塘水鑑平微風晴後寂孤月夜來清大
象莫能破纖塵何處生湘靈誰為感一曲謾分明

贈致政王朝奉

得老歸來已幾年水雲深處洞中天有身且睡三竿日

無物應看一指禪松竹亭臺間信步鄉間樽俎謾隨緣
此生離合誰能定只見龍潭尚宛然

次張秘校昔日同遊僧舍

過去光陰有勝遊翠微深處更尋秋偶尋得石坐云坐
莫問作官休未休世揉道情塵擾擾雲藏詩壁歲悠悠
山僧看了須重看且碧雙眸便轉頭

和李學士試院感秋二首

遽往偶相集下簾人事稀感秋那聽雨聞杵屢催衣得

喪多士夢行藏羣鴈飛黃花期野老須插滿頭歸
荒庭初得雨幽點失調梧滯思舒千卷高吟想五湖蛩
聲生翠幄酒力借微軀襲蹈貽文病猶難望漢儒

送劉教授

升沈相識十三秋新故如麻一轉頭久欸遊從來北闕
遽聞風教入東州自驅矛盾趨中說誰擁鸞旂翫半流
十日菊花猶可醉多情應且擊扁舟

以重陽後一日行故云

平嵐亭

平嵐亭寄半天身閒向欄干獨倚頻往事有懷誰共笑
歸雲無倚自相親神仙窟宅幽明境花木園林上下春
斗絕一臺疑是此不須低首看紅塵

湖上

一家風景洞天清不愧東南第一名春入桃源花未落
秋歸湘浦月初生便捐世事匆匆到且置籃輿緩緩行
隨分堪觀無可辨水光山色競相迎

會江晦叔遊湖山

相隨山水恣徘徊興未闌時慎勿催草草行厨隨步去
忽忽漁艇趁船來每逢佳景還含思偶造幽軒更把盃
况是同歸無世味何須旁立有蓮腮荻灣桃塢猶留客
不覺銀餅又耻罍

送昇師行

得道無餘事遊方有幾年如何超幻境誰與付真筌初
祖昔曾訣趙州今已仙進修方且學拂蕩未須傳歸去
南山好休休更說禪

留題西禪寺

誰是怡山不滅仙
定光來應此方緣
龍驤鳳翥三宗字
獅吼雷鳴六祖禪
魚佩獨垂聊徇世
藕絲相感為開天
自從日月歸真後
衣法何人已得傳

題鄉老堂

未到中年便掛冠
一鄉三老北溪寒
廢興有命知尤早
去住無心遇更難
輕物想能閒似夢
愛山應是好如官
莫言林下何曾見
待向圖中畫與看

次趙彥思東湖見寄

為愛江湖夢也尋有泉來處亂雲深鑿開澄澈是天界
激起潺湲非世音鴻鴈渚幽山兩足芙蓉堂冷水中心
花時月夜扁舟興相約公餘一醉吟

和范宏甫

不於場屋便橫行安用詩書寄此生萬里一飛雖有志
十年三戰未成名風霜已是知秋栢雷雨何妨借海鯨
自愧壯圖猶未効幾時樽酒與君評

喜張公實至

纔踰閩嶺轉悠悠所屬相逢夢未休
逸興起君桑梓國多情尋我帝王州
且看文物興朝事上初即位更話溪山舊
酒樓會合此生能幾度一樽長瀉菊花秋

方祖仁都門阻雨

未蒙官放此身体空恨茶園失舊遊
將謂天邊鴻共發豈知門外雨相留
一襟涼過人歸室萬朵香殘菊送秋
兄弟急難君有義白衣東下更何尤

祖仁南省下第集兄之事而去

桐廬會景亭二首

物華才思兩無窮來倚欄干萬累空
今古坐間山遠近悲歡潮後客西東
樵樓上下夕陽外漁網高低煙雨中
想見飛昇人只在留題當識紫元翁

昔有桐君戴顓得仙於此

舟楫會通處陰陽明晦時
四并歸善政萬象入新詩
地勝得仙久水遙歸鷺遲
為看滕閣記將賦此尤宜

送王道觀錄事

一府觀風郡督郵試看鷹隼在高秋

用侯文事

黃花對酌新

離別白雪難思舊唱

昔與道觀雪中聯句

塵緒案頭來擾擾銀

河天上去悠悠碧羅琢硯初離水勤寫瑰奇度阻脩

貽劉先生

勢利交遊聚與分會真堂上合離羣形骸外索難為侶
風義中尋偶得君水鑑秋來宜泛月桃源花後且穿雲
此生已是龍山客高論相過我欲聞

題望遠樓

雕欄身有限芳草意無窮望盡天垂地吟餘色入空鋒

鉞千里岫羽翼半天風萬象回頭了駢明亦夢中

寄陳邵老

南來安不裂新題萬里悠悠十載睽一別每懷君海角
兩除應笑我朝壘是非莫訝時方轉榮辱須驚物未齊
故舊九仙山下客想曾攜手泛三溪

幾度為書却便休踈慵如我更如讐兩忘有道何須問

相責無情我合羞

邵老書有
相忘之責

屢感客塵新事變難尋陵

谷舊時遊為親歸去親猶健只此浮生已解憂

次邦彥節推見寄

十年譏笑為誰妨
洒落思君酒甕旁
曉殿雖爭多士捷
夜窻還對短檠光
靜憐春草開三徑
冷恠朝壘引五漿
且喜相逢頭尚黑
江湖休更起懷鄉

邦彥詩有
江湖之意

淮上相逢得勝遊
水邊鄉落水邊洲
每憐酒旆能留客
長恐秋風便解舟
十載窮通重把手
兩朝今古一迴頭
金明且看春波綠
共我忘機子與鷗

寄簡能